



Concello de Viveiro

BASES DE SELECCIÓN DO CAMPAMENTO URBANO DE VERÁN DO CONCELLO DE VIVEIRO 2020

ARTIGO 1. Obxecto e ámbito de aplicación

As presentes bases teñen como obxecto establecer os criterios de selección para a participación no campamento municipal de verán do Concello de Viveiro, que se desenvolverá durante os meses de xullo e agosto para os/as menores do municipio.

O obxectivo deste campamento é cubrir a nivel pedagóxico este tempo de lecer facilitando unha alternativa de ocio saúdable, fomentando o xogo, o deporte, a expresión artística así como os valores de convivencia e respecto entre iguais. Promoverase a realización de actividades de carácter lúdico: manualidades, obradoiros de refugallo, xogo cooperativo, actividades deportivas...

No mesmo senso, trátase de favorecer a conciliación familiar durante os meses de vacacións estivais, ofrecendo un recurso axeitado ás familias que por motivos laborais atópanse con dificultades para compaxinar a vida profesional e a crianza dos nenos e nenas.

Este verán, debido á situación provocada polo Covid-19, é necesario máis que nunca ofrecer un recurso lúdico para os nenos e nenas, así como unha alternativa segura para as familias, que necesitan seguir cumprindo coas súas obrigas laborais.

O desenvolvemento deste campamento de verán axústase ás medidas establecidas pola Xunta de Galicia para o desenvolvemento das actividades de Educación non formal, Ocio Educativo e Tempo Libre adaptadas á situación de Covid-19. Por este motivo organízase en dúas quendas diferenciadas, reducindo o número de grupos coa finalidade de minimizar as interaccións entre eles, rotando as actividades para que todas as persoas participantes desfruten das mesmas.

ARTIGO 2. Persoas destinatarias

O campamento urbano de verán está destinado a nenos e nenas nados entre os anos 2008 e 2016, ámbolos dous incluídos.

ARTIGO 3. Lugar e período de realización

O campamento desenvolverase no pavillón do CEP Lois Tobío dende o día 8 de xullo ata o 28 de agosto.

Este ano, para garantir a seguridade das nenas e nenos participantes, mantendo a distancia establecida e o traballo en grupos reducidos, establécense as





Concello de Viveiro

seguintes quendas:

- 1º quenda: dende o 8 ao 31 de xullo
- 2º quenda: dende o 3 ao 28 de agosto

O horario de será de 8.30 a 14.00 horas, de luns a venres.

ARTIGO 4. Numero de prazas ofertadas

- a) O campamento urbano de verán oferta un total de 108 prazas para os nenos e nenas que cumpran os requisitos de admisión, distribuídos en dúas quendas de 54 nenos e nenas cada unha, a eleixir pola nai, pai ou titor/a.

De cubrirse a totalidade de prazas nunha quenda, atendendo á orde de inscrición, automaticamente quedarán adscritos á outra quenda, sempre no caso de quedaren prazas vacantes.

- b) No caso de non cubrirse a totalidade de prazas na segunda quenda, poderían repetir os participantes na primeira, que así o desexen, atendendo ao criterio da orde de inscrición.

c) Resérvanse 5 prazas, por quenda, para nenos e nenas con discapacidade igual ou superior ao 33%, cando estes teñan capacidade de integración nun grupo e as súas necesidades especiais lles permitan beneficiarse e participar nas actividades que se van desenvolver. A discapacidade deberá acreditarse co certificado de discapacidade emitido polo órgano competente.

d) Resérvanse 5 prazas, por quenda, para nenos e nenas pertencentes a familias en situación de vulnerabilidade. Dita situación será acreditada cos informes pertinentes.

d) No suposto de que as prazas reservadas non se cubran, pasarán a acumularse ao resto de prazas libres.

ARTIGO 5. Prazo de solicitude

A presentación de solicitudes realizarase no prazo de 5 días hábiles dende o día seguinte ao da publicación das presentes bases no taboleiro de anuncios dixital.

As solicitudes deberán ser asinadas polo pai, nai ou titor legal do menor e presentaranse preferiblemente por vía electrónica ou no Rexistro Xeral do Concello ou polos medios establecidos no artigos 14.1 e 16.4 da Lei 39/2015, do 1 de outubro, do procedemento administrativo común das administracións públicas.



ARTIGO 6. Requisitos de participación

- a) O/ a menor deberá estar empadroado no concello de Viveiro cun mínimo dun ano de antelación á data de comezo do campamento.
- b) Os/as participantes no campamento deberán ter nacido entre os anos 2008 e 2016, ámbolos dous incluídos.
- c) O nivel de renda da unidade familiar, non poderá ser superior a 6,5 veces o IPREM 2020, límite que se incrementará nun 15 % cando se trate de familias monoparentais ou familias numerosas.

ARTIGO 7. Solicitude e documentación a presentar compulsada

- a) Solicitude de participación no campamento, que figura como ANEXO I a estas bases e declaración responsable referente ás medidas excepcionais a adoptar fronte ao covid-19.
- b) Fotocopia do DNI do/a menor
- c) Fotocopia da tarxeta sanitaria
- d) Fotocopia do DNI do pai/nai/titor legal que asine a solicitude de campamentos
- e) Fotocopia do libro de Familia
- f) No caso de ter certificado de discapacidade, copia do mesmo
- g) No caso de pertencer a grupo en situación de vulnerabilidade, informe acreditativo mesmo
- h) No caso de separación/divorcio entre os pais, copia da mesma para acreditar o réxime de custodia.
- i) Vida laboral dos proxenitores ou certificado de realización do curso de formación emitido pola entidade impartidora.
- j) Declaración da renda do exercizo 2018 e de non tela realizada certificado expedido pola AEAT acreditativo de dita circunstancia.

ARTIGO 8. Criterios de selección

- a) En primeiro lugar seleccionaranse aos nenos e nenas daquelas unidades familiares na que ambos proxenitores, teña vixente unha relación laboral no prazo de presentación de instancias ou estén realizando un curso do plan de formación impartido dentro da formación para persoas desempregadas das





Concello de Viveiro

distintas administracións públicas.

No suposto de separación, divorcio ou familias monoparentais atenderase a que este requisito se cumpra respecto do proxenitor que se atope a cargo do/a menor .

b) De contar con máis solicitudes que cumpran este criterio que prazas vacantes, entre as mesmas seleccionarase por estricta orde de presentación de instancias.

c) De resultaren prazas vacantes, unha vez adoptado este criterio, seleccionarase por estricta orde de presentación de instancias .

d) Unha vez cubertas o máximo de 54 prazas ofertadas en cada quenda o resto de aspirantes pasarán á lista de agarda

e) Perderán o seu dereito á praza no campamento no suposto de contar con máis de tres faltas sen xustificar.

A xustificación deberá realizarse ante a empresa encargada do servizo.

ARTIGO 9. Tramitación das solicitudes

A comprobación dos requisitos e do cumprimento dos criterios de selección realizarase pola OMIX do concello de Viveiro.

ARTIGO 10. Listado de aspirantes admitidos e excluídos

a) Comprobado o cumprimento dos requisitos das persoas solicitantes, elaborase unha lista de admitidos e excluídos, por quenda, indicando o motivo da exclusión.

b) Non será obxecto de subsanación a presentación de solicitudes incompletas, en aras ao principio de igualdade, tendo en conta que un dos criterios de selección é a data de presentación de instancias.

c) Este listado publicarase no taboleiro de anuncios.

María Loureiro García
Alcaldesa de Viveiro
Documento asinado dixitalmente ao marxe

